

10. april 2014

UPA 2014/150  
Doris Jakobsen

**Aningaasaateqarfiup aningaasaataasa ilaannit procentit qassit ukiumut atugassiarineqarsinnaasanersut erseqqissaavigineqarsinnaaqullugu Aatsitassarsiornermi Aningaasaateqarfik pillugu Inatsisartut inatsisaannut nr. 6, 5. december 2008-meersumut allannguutissamik saqqummiussinissaannik Naalakkersuisut peqquneqarnissaannik Inatsisartut aalajangiiffigisassaattut siunnersuut.  
(Inatsisartunut ilaasortaq Naaja H. Nathanielsen, Inuit Ataqatigiit)**

Soorlu Naalakkersuisut akissuteqaataanni nassuiarneqartoq, aningaasaateqarfimmit ator-neqarsinnaasut sumut tunngasuunersut aamma nassuiarneqarpoq siunissami aningaasaateqarfimmit atuisoqassappat pinngitsoorani Inatsisartut aaliangeeqqaartussaasut soorluttaaq aamma Inatsisartut aningaasanut ataatsimiititaliaat aqputigineqaqqaartussaasoq.

Ullumikkut ilisimangilarput siunissami aningaasaateqarfik taanna qanoq annertutigisunik katersaqalerumaarnersoq taamaammat maannangaq sukangasuumik procentilersuilluni pituttuilereernissaq mianernartuusoq Siumumi isumaqarpugut. Tassami aningaasaateqarfimmit taamaallaat atuisoqarsinnaassaaq pingasunik tunngaveqaraanni tassalu:

- Aningaasat aatsitassarsiornermik suliaqarnermi aningaasaliinernut matussutissatut
- Ataatsimoortumik tapiissutit annikillisinneqarneranni taarsiissutissatut
- Kiisalu oqartussaaffiit naalagaaffimmit utertinneqartussat nutaat matussutissaattut

Siumumi isumaqarpugut, procentilersuilluni maannakkut killilersuisoqaleriissappat mianernartuusoq tassami nunatta karsianut aammalu inuunitsinni annertuumik sunniutipiloqarsinnaammat ass. tapiissutit ikilissagaluarpata imaluunniit naalagaaffiup akisussaaffigisai nunatsinnut nuunneqassappata aamma akissaqartittariaqaratsigit matussutissaqartittariaqarlugillu.

Siumumiit taamatut oqaaseqarluta siunnersuut taamatut isikkoqartillugu itigartinneqarnissaa innersuussutigaarput.